



Islaangã yaa f maan kaset ti soab sën na n tũ n tulg ka be rënda Wënde, la a Muhammad yaa Wënd Tën-tuuma, la f yals ne Puusgo la f yãk Zaka n kõ, la f loe Ramadaane, la f kaag Roogã ti f sã n paam sor n na n tug beenë

Yii a Umar [bn Al-hattaab nengë, -Wënd yard be a yïnga-, a yeelame: Raar a yembr tønd sën da zĩ Wënd Tën-tuum nengë, -Wënd puusg la A tulgr be a yïnga-, la raoo sën puk tønd nengë, t'a futã peelem yaa wusgo, t'a zugã zoobd sablem yaa wusgo, b ka ne sor vüun a zug ye, ned baa a yembr me ka mi-a tønd pugë, halı t'a wa tug n zĩnd Nabiyaama nengë, -Wënd puusg la A tulgr be a yïnga-, n tik a rüm a yiibã n teeg Nabiyaamã rümã, n rik a nus tal a yiibã n rogl a ge a yiibã zugu, n yeele: « Muhammade, wilg maam Islaang sën yaa a soaba, t'a yeele: « ti Wënd Tën-tuuma, -Wënd puusg la a tulgr be a yïnga-, yeele: « Islaangã yaa f maan kaset ti soab sën na n tũ n tulg ka be rënda Wënde, la a Muhammad yaa Wënd Tën-tuuma, la f yals ne Puusgo la f yãk Zaka n kõ, la f loe Ramadaane, la f kaag Roogã ti f sã n paam sor n na n tug beenë». La a yeele: « f togs sıda». T'a Umar yeele: «ti tønd maan yel-solemd ne-a, a sën sokd Nabiyaamã la a leb n sıdgd-a wã». La raoo yeele: « bi f kõ maam kibare sıd-kũun sën yaa a soaba», Ti Nabiyaamã yeele: « yaa f kõ sıd ne Wënde, la A malegsã la A Gaf-rãmbã la A Tën-tuumbã la Yaoolem Raarã, la f kõ sıd ne Pulengã, a wënga la a sõma». La a yeele: « f togsa sıda». T'a yeele: « bi f togs maam manegre». La a yeele: «yaa fo tũ Wënde, ti yaa wala fo ne-A lame, bala fo sã n yı n ka ne-A, ad A ne-f lame». T'a yeele: «bi f togs maam dũni yıkr wakato», la a yeele: «ad fo pa mi-a ma me ka mi-a», t'a yeele: « bi f togs maam a tagms-rãmba». T'a yeele: «yaa yamb poaka sën na n wa rog a zu-soaba, la fo sën na n wa yã na-zaalã rãmba sën yaa bæla rãmba sën yaa talsã n yaa rüm-gũudbã, ti b wogend meebã». Rë poorë t'a looge ti mam zĩnd woko, rë poorë ti Nabiyaama yeele: « Umaru! Fo mii ned ning la sokda bu?» Ti mam yeele: «Wënd la A Tën-tuuma n yud minim». T'a yeele: « ad yaa a Gibriila, a waame n wilgd yãmba y dıinã».

[Naşun Şahuhun (Gom-sikdem sën manege)] [A Muslim n togs-a]

A Umar kôta kibare -Wënd yard be a yïnga- t'a Gibriila, a puka Sahaabsë wã -Wënd yard be b yïnga- t'a yaa sën rik rao naande, ti b ka mi-a ye, la a stfã yaa t'a fuugã yaa peell wusgo, t'a zoobdã yaa sabell wusgo, b ka ne sor tagmas a zug sën yaa yaamse, la wubsgu la zoobd zündgr la futã rëgd ye, ned baa a yembr ka mi-a zĩndbã pugë ye, ti bãmb zĩ Nabiyaamã nengë -Wënd puusg la A tulgr be a yïnga- t'a zĩnd Nabiyaamã taoore, ti yaa karen-biig zĩndgu, n sok-a Islaangã yelle, ti Nabiyaamã loek-a ne zeng raad-kãensã sën kumde, reeg-f-zugë ne

sahd a yiiubã la gũus wakat a nu wã, la kõ Zakã b rãmbã, la Ramadaanã no-loeerã maanego, la hagiimdã farilã maaneg ne tõogda. Tı soakdã yeele: «f togs sıda». Tı sahaabsã maan yel-solemde, a sën sokd tı yaa a sën ka mi sokre, rë poorë t'a yaool n sıdgd-a wã. Rë poorë t'a sok-a sıd-kũunã yelle, t'a loek-a ne zeng raad-kãensã a yoobã, sën kumbde, kõ sıd ne Wënd belmã, A Naam yı wagelle, la A sıf-rãmbã la f leb n welg n kõ-A tuum ning sën yaa Yë tuuma, wala naanegã, la f leb n welg n kõ-A tũudumã, la f kõ sıda tı malegsã b naan-b lame ne nuura, tı b yaa yembs b sën waooge, b ka kũsd Wënd, A Naam yı wagell n zëke, la yaa Wënd sagellã la b tumda, la f kõ sıda ne gaf-rãmb nins sën sig tën-tuumbã zugã, sën yi Wënd nengë wã, A Naam yı wagelle, wala Alkurãanã la Tawraatã la Lingiilã la sën wõnd rë, la kõ sıd ne tën-tuumb nins sën taasd dıinã Wënd yĩngã, sën be b pugë yaa a Nuuhu, la a [braahuma, la a Muusa la a [ısa la b baasdgã yaa a Mohammade, -Wënd puusg la A tulgr be a yĩnga- la zëng sën ka bãmba sën yaa nabiyaam-rãmb la tën-tuumbã, la kõ sıd ne yaoleem raarã la yel nins sën be kũumã poorë wã, këeda yënda pugë, sën yaa kabr nango la vuum ning sën be yaadë wã, la f kõ sıd tı ninsaalã b yikd-a lame kũumã poorë, n geel a tuumã, t'a këngr zĩigë, arzãnã maa Bugmë. La kõ sıd tı Wënd korda yelã n zems wala Wënd bãngrã sën dag n reng taoor tı na n yume wã, la A sën guls rëndã la A tulsmã, la a sën na yı wala A sën kord-a to-to ningã. Rë poorë t'a sok-a manegrã yelle, tı Nabiyaamã kõ-a kibar tı ad manegre, yaa fo tũ Wënd, tı yaa wala fo ne-A lame, rënd f sã n ka paam sor n na n ta dargε-kãngã bı f tũ tı yaa wala Wënd nee foom, rënd rëenem yaa seedg la ges dargε, ning f yamë tı yaa wala fo nee Wëndã, yënda la rëenem dargε, yë me n leb n zëk n yuda, yiib soaba yaa gũus Wëndã dargε sën ta zĩig ninga. Rë poorë t'a sok-a dũni wã yikr yaa rabure? Tı Nabiyaamã -Wënd puusg la A tulgr be a yĩnga- vëneg n wilg tı ad dũni wã yikri yaa bũmb ning Wënd sën bas a bãngrã A nangë, rënd bon-naandg baa a yembr ka mi-a ye, b sën sokd a soabã la soakdã meng me ka mi ye. Rë poorë t'a sok-a dũni wã yikr tagmas-rãmbã? Tı Nabiyaamã vëneg n wilgi -Wënd puusg la A tulgr be a yĩnga- tı sën be a tagmes-rãmbã pugë yaa yem-pogs wusgre la b koambã. maa koambã sën namsd b ma-rãmbã sën na n wusge, tı b tumd ne b ma-rãmbã wala yem-pogse, tı la rũm-kũmbã la talsã b na n wa lebga arzεgs rãmba zãmaan yaoog wakato, tı b pugd taaba ne rot nagsgo la b tombo (meebo). Rë poorë Nabiyaamã -Wënd puusg la A tulgr be a yĩnga- kõ kibare tı ad sokdã yaa a Gibriila, a waame n na n wilg sahaabsã dıin-kãngã sën yaa tëeg tırg dıinã.

<https://sunnah.global/hadeeth/mos/show/4563>

النجاة الخيرية
ALNAJAT CHARITY

